



Standeskanzlei Graubünden  
Chanzlia chantunala dal Grischun  
Cancelleria dello Stato dei Grigioni

## Reelecziun d'ina cussegliera da la Banca chantunala grischuna

**Ils 31 da mars 2025 finescha la perioda d'uffizi da Barbara A. Heller sco cussegliera da la Banca chantunala grischuna. La Regenza grischuna ha prolungà ses mandat per 4 onns fin ils 31 da mars 2029.**

Barbara A. Heller fa part dapi l'onn 2021 dal Cussegl da la Banca chantunala grischuna (BCG). Ella ha studegià scienzas economicas e politicas ed ha lavurà durant circa dus decennis en la branscha da finanzas e da farma en posiziuns directivas. Oz maina ella sia atgna interpresa che porscha servetschs en il sector da la corporate governance. Ella ha enconuschientschas fundadas da la branscha da finanzas ed experientschas pli profundas en la gestiun ed en la cussegliaziun d'interpresas. Barbara A. Heller occupa differents mandats en gremis directivs ed en gremis d'experts. Ella abita a San Murezzan.

La Regenza elegia las commembras ed ils commembers dal Cussegl da la BCG. En quest connex resguarda ella lur profil d'exigenzas sco er las prescripziuns da l'Autorità federala per la surveglianza dals martgads da finanzas FINMA.

Il Cussegl da banca è l'organ suprem da la BCG. Il gremi da set personas surveglia e controllescha la gestiun. Plinavant fixescha el l'orientaziun strategica, la politica da ristgas sco er l'urden regulamentar fundamental da la banca.

### **Infurmaziuns:**

Cussegliaier guvernativ Martin Bühler, schef dal Departament da finanzas e vischnancas, tel. +41 81 257 32 01 (cuntanschibel da las 17.40 fin las 18.30), e-mail [Martin.Buehler@dfg.gr.ch](mailto:Martin.Buehler@dfg.gr.ch)

Responsabladad: Regenza  
Data: 15-10-2024 – 17.40